

A stylized graphic element on the left side of the page, consisting of three overlapping, rounded rectangular shapes in blue and red, mirroring the MINDEF logo's design.

SIARAN AKHBAR

KEMENTERIAN PERTAHANAN

2013

A stylized graphic element on the right side of the page, consisting of three overlapping, rounded rectangular shapes in blue and red, mirroring the MINDEF logo's design.

ISI KANDUNGAN :

BIL	TARIKH	TAJUK
SEPTEMBER		
1.	27 September 2013	Pelantikan Semula Ybhg Dato' Abdul Hadi Bin Awang Kechil Sebagai Ketua Pengarah Jabatan Latihan Khidmat Negara
DISEMBER		
2.	4 Disember 2024	Penglibatan ATM Dalam Bantuan Kepada Mangsa Banjir Di Pahang Dan Johor Menerusi Op Murni



Siaran
AKHBAR

UNIT KOMUNIKASI KORPORAT
KEMENTERIAN PERTAHANAN

KP/UKK/SPM/010/004 – (05/09)

**PELANTIKAN SEMULA
YBHG DATO' ABDUL HADI BIN AWANG KECHIL
SEBAGAI KETUA PENGARAH
JABATAN LATIHAN KHIDMAT NEGARA**

Unit Komunikasi Korporat, Kementerian Pertahanan telah mengeluarkan kenyataan berikut:

Sukacita dimaklumkan bahawa Kerajaan telah bersetuju melantik semula YBhg Dato' Abdul Hadi bin Awang Kechil sebagai Ketua Pengarah, Jabatan Latihan Khidmat Negara (JLKN) mulai 27 September 2013 selama satu (1) tahun setelah kontrak pelantikan beliau tamat pada 28 Ogos 2013 yang lalu.

Selaras dengan peruntukkan di bawah Akta Latihan Khidmat Negara 2003, pelantikan beliau telah mendapat perkenan Seri Paduka Baginda Yang di-Pertuan Agong.

YBhg Dato' Abdul Hadi bin Awang Kechil telah memegang jawatan Ketua Pengarah JLKN mulai 2 Februari 2007 sehingga beliau bersara wajib pada 29 Ogos 2011. Selepas itu, beliau memegang jawatan tersebut secara kontrak sehingga 28 Ogos 2013.

**Unit Komunikasi Korporat
Kementerian Pertahanan Malaysia
27 September 2013**



Siaran
AKHBAR

UNIT KOMUNIKASI KORPORAT
KEMENTERIAN PERTAHANAN

KP/UKK/SPM/010/004 – (01/12)

**PENGLIBATAN ATM DALAM BANTUAN
KEPADA MANGSA BANJIR DI PAHANG DAN JOHOR MENERUSI OP MURNI**

Unit Komunikasi Korporat, Kementerian Pertahanan telah mengeluarkan kenyataan seperti berikut:

Kementerian Pertahanan melahirkan rasa simpati terhadap mangsa-mangsa banjir di Pahang, Johor dan Terengganu serta mengucapkan takziah kepada keluarga mangsa yang terkorban dalam tragedi yang tidak diingini ini. Sesungguhnya kejadian banjir tidak dapat dielakkan dan menasihatkan orang ramai yang terlibat agar sentiasa berhati-hati serta mendengar nasihat pihak berkuasa dan pasukan keselamatan.

Kementerian Pertahanan melalui Angkatan Tentera Malaysia, tidak ketinggalan melaksanakan tanggungjawab sosial serta turut bersama-sama agensi keselamatan yang lain memberikan bantuan menyelamatkan mangsa banjir dalam operasi khas yang diberi nama **OP MURNI**. Sehingga hari ini mangsa yang terlibat dianggarkan **20,378 di 164 Pusat Pemindahan**.

Penglibatan Trup dan Aset adalah seperti berikut:

Trup dari Tentera Darat di bawah Kawasan Tanggungjawab 3 Divisyen:

1. **Pahang** – Daerah yang terlibat ialah Kuantan, Maran, Pekan, Rompin dan Jerantut. **Trup terlibat** – 12 Rejimen Askar Melayu DiRaja (RAMD) Mekanise, 1 Kor Armor DiRaja (KAD) dengan kekuatan 12 Pegawai dan 178 anggota Lain-Lain Pangkat (LLP), Trup dari Gerup Gerak Khas (GGK) - 2 Pegawai dan 33 LLP dan aset yang terlibat ialah 16 buah bot, 16 buah kenderaan 3 ton, 4 buah kenderaan Land Rover dan Kenderaan TATRA 7 ton sebanyak 6 buah di Pahang dan 2 di Terengganu.
2. **Johor** – Daerah terlibat ialah Batu Pahat, Muar, Kota Tinggi, Kluang, Segamat dan Mersing. **Trup terlibat** adalah di Daerah Mersing – 1 Rejimen Renjer DiRaja (RRD)

dengan kekuatan 1 Pegawai dan 31 LLP dan aset terlibat ialah 2 buah bot, 2 kenderaan 3 ton dan Kenderaan TATRA 7 ton sebanyak 2 di Johor.

3. Aset TUDM - Pangkalan Udara Kuantan telah dipertanggungjawabkan membantu Majlis Keselamatan Negara memantau 7 Pusat Pemindahan Banjir sejak 2 Dis 13 iaitu SMK Paya Besar, Balai Raya Sg Soi, SMK Bukit Rangin dan SMK Gudang Rasau. Pesawat Nuri dari Skudron SAR (Search and Rescue) telah membuat penerbangan menyelamatkan di Kawasan Paya Besar dan telah menyelamatkan 4 orang mangsa banjir yang seterusnya dipindahkan ke Pusat Penempatan Banjir di SMK Paya Besar. Buat masa ini hanya sebuah pesawat Nuri digunakan untuk tujuan bantuan udara dalam OP MURNI.

ATM akan sentiasa memantau perkembangan banjir yang melanda Pahang dan Johor ketika ini serta memantau perkembangan di Pantai Timur yang turut mengalami banjir yang lebih buruk dalam masa terdekat. ATM telah menyediakan pelan tindakan termasuk bantuan lojistik untuk bantuan banjir dan semua trup dalam keadaan siap sedia untuk digerakkan sekiranya diperlukan.

"TRANSFORMASI MELALUI INOVASI"

**Unit Komunikasi Korporat
Kementerian Pertahanan Malaysia
4 Disember 2013**